


Канон усекновению главы Пророка, Предтечи и Крестителя Господня Иоанна



Пѣснь 1.

Ирмос: Воду прошѣд, яко сущу, и египетскаго зла избежав, израильтянин вопіяше: Избавителю и Богу нашему поим.

От утробы неплодныя явльшася пророка, в ложеснах Девических, во чреве Носимому неизреченно, священнаго воспоём Предтечу.

Предѣлы естества превозшед, правды соблюл еси законы, беззаконное смешение обличая, не убоявся царева суровства.

Законным млеком воспитався, законоположение совокупления законнаго, яко закона печать запечатствуя, сопротивился еси мерзкому прелюбодеянию.

Богородичен: Чини Тя ангел и человек, Безневѣстная Мати, восхваляют непрестанно: Зиждителя бо сих яко Младенца на объятиих Твоих носила еси.

Пѣснь 3.

Ирмос: Небѣснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, единое Человеколюбче.

Древних яко ходатай и новых, Предтече, евангельских проповеданий, ты представ, смешение беззаконное мучительское обличил еси, славную смерть, радуясь, приял еси.

От матери беззаконная предначена отроковица, обьюродевшу пьянством Иродови рече: даждь на блюде главу Иоаннову, матери да подам дар возжеленен.

Обличения не терпя безстудный мучитель богоносного твоего языка, славне Предтече, отроковице предаёт, женским плясанием, честную твою страдальную главу, преславне.

Богородичен: Вселився в Деву телесне, Господи, явился еси человеком, якоже подобаше видети Тя, Юже и показал еси яко истинную Богородицу и верным помощь, Единое Человеколюбче.

Седален, глас 8.

От неплодове просияв судом Божиим и узы разрешив языка отца, показал еси солнце, денницу озаряющее, и людям в пустыни Зиждителя проповедал еси, Агнца, вземлющаго мира грехи. Темже ревностию царя обличил еси, в преславную главу твою усечен быв, приснопамятне, Иоанне всехвальне, молися Христу Богу согрешений оставление даровати празднующим любовью святую память твою.

Слава, и ныне, богородичен: Яко Деву и едину в женах, Тя без семене рождшую Бога плотию, вси ублажаем, роди человечести: огонь бо вселися в Тя Божества, и яко Младенца млеко питаша Зиждителя и Господа. Тем, ангельский и человеческий род, достойно славим пресвятое рождество Твое, и согласно вопием Ти: моли Христа Бога согрешений оставление даровати поклоняющимся верою пресвятому Рождеству Твоему.

Пѣснь 4.

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отча и нашу нищету посетив. Тем с пророком Аввакумом зову Ти: силе Твоей слава, Человеколюбче.

Не могый терпети обличения дерзости, иже закона томлением повинный, ни дерзость благочестия, иже скверными сластьми растленный, связав, блюдыше невестественно горним прежде конца ликом совокупляемаго.

Душевредным пьянством и разжжением блудным поболев, отдан окаянный, отроковицы плясанием ножным связан, убийца пророка бывает. Зачат бо пьянство — блуда мать и лютое беззаконие породит.

Воистинну в тебе не солга Божественный глас: ты бо во пророцех больший еси, яко пророчеству сподобился от самыя утробы в несовершенне телеси, и прореченнаго тобою Бога Слова, и видева, и крестив в телеси.

Богородичен: Ты верных похвала еси, Безневестная, Ты представительница, Ты и прибежище христиан, стена и пристанище: к Сыну бо Твоему мольбы носиши, Всенепорочная, и спасаеши от бед верою и любовью Богородицу чистую Тебе знающия.

Пѣснь 5.

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окайннаго? Но обрати мя, и к свету заповедей Твоих пути моя направи, молюся.

Матерними наважденьми цену плясания злодемонскаго суровья лъвицы суровейшее исчадие испроси, юже и зверие сами в пустыни почитаху, главу Предтечи и проповедника.

О, твоих неизреченных и непостижных судеб, Человеколюбче! Яко во утробе еще суща матери, Духа Святаго приятелище бывша и возрастша целомудрием и чистотою, скверная испляса отроковица.

Любезно и искренно изволи беззаконное сопряжение любящему к рождественным его питиям и пророче присовокупити убийство, и чашу, исполнену святых и пророческих кровей, сластолюбием растворити.

Богородичен: Матерне дерзновение, еже к Сыну Твоему имущи, Пречистая, сроднаго промысления, еже о нас, не презри, молимся: яко Тебе и единому, христиане, ко Владыце, очищение милостивно предлагаем.

Пѣснь 6.

Ирмос: Очи́сти мя, Спа́се, мно́га бо беззако́ния моя́, и из глубины́ зóл возведи́, молю́ся, к Тебе́ бо возопи́х, и услы́ши мя, Бо́же спасе́ния моего́.

О за́поведех зако́на бѣдствуяй, блаже́нне, обличе́ньми наказу́еши беззако́нновавшаго: не бы́л бо еси́ трóсть, вражиих вѣтров коле́блема дунове́ньми.

Крóвию заклáния глава́ ка́плющи тво́я, принесéся блúдным пóдвигом вмéсто мзды́, Ёрода облича́ющи и по кончине́, я́ко естество́ смесивша.

В пусты́нях ходя́, власы́ велбу́жи покрывáемь, во óвех úбо я́ко светосия́нно жи́л еси́ ца́рски, во óвех же, я́ко ца́рску обно́ся красоту́, над страстьми́ воцари́лся еси́.

Богородичен: Да изба́вимся от лю́т прегрешéний, моли́твами Тво́ими, Богороди́тельнице Чистая, и да уллучи́м, Пресвята́я, Божéственное сия́ние из Тебе́ неизрече́нно воплоще́ннаго Сы́на Бо́жия.

Конда́к, глас 5:

Предте́чево сла́вное усе́кнове́ние смотре́ние бы́сть некое́ Божéственное, да и сýщим во áде Спа́сово проповéсть пришéствие. Да рыда́ет úбо Ироди́я, беззако́нное убийство́ испроси́вши: не зако́н бо Бо́жий, ни живы́й вѣк возлюбí, но притво́рный, привре́менный.

Ўкос:

Рождéние Ёродово́ всём яви́ся непреподóбно, егда́ посреди́ пита́ющихся глава́ постя́щагося предложíся, я́коже снeдь: радости́ совокупíся печáль, и смéху раствори́ся го́рькое рыда́ние, я́ко главú Крестите́леву на блю́де нося́, пред все́ми вни́де, я́коже рече́, отрокови́ца. И кля́твы ра́ди рыда́ние нападе́ на вся́ возлежа́щия тогда́ с царём: не бо́ обвесели́ óних, ниже́ Ёрода́ само́го. Рече́ бо: оскорбе́ша печáлию не и́стинною, но притво́рною, привре́менною.

Пѣснь 7.

Ирмос: Божия снизхождѣния о́гнь устыдѣся в Вавилоне иногда, сегó ради о́троцы в пещи́, радованною ного́ю, яко во цвѣтнице, ликующе, пояху: благословѣн еси́, Бóже отѣц наших.

Блудным желáнием, лю́тым же пиянством вооружѣн, приразився, разсѣдися, к воздержáния столпú непреклóнному и целомудрия ко граду неразрушимо́му, Христову Крестителю, Ёрод беззакóнный.

Не ужасѣся, Предтече, не устыдѣся, не ослабѣ научѣная диáволом, твою́ приносящи честнóю главú безсты́дно на блюде, наваждѣнием мáтерним прельстивши́ ум.

Яко светильник, просиял еси́, предпослáвся же, яко áнгел; яко прорóк, проповѣдуеши́ А́гнца Божия, явльшагося Христа́; яко мученик, мечѣм во главú усѣклся еси́, предвозвещáя Того́ и сущим во áде мёртвым.

Богорóдичен: Избáвльшеся рождествóм Твои́м осуждѣния дрéвняго падѣния, явлѣнную винú свобождѣния, Тя́, Мáти Дѣво, с Сы́ном Твои́м, давшим избáву о нас Себѣ́, прísно слáвим.

Пѣснь 8.

Ирмос: Седмерицею пещь халдѣйский мучитель богочестивым неистовно разжжѣ, силою же лучшею спасены сѣя видев, Творцѹ и Избавителю вопіяше: отроцы благословіте, священницы воспойте, людіе превозносите во вся вѣки.

Предтекій рождество Твое и Божественное страданіе, в преисподних мечѣм бываѣт пророкъ и вѣстник тамошняго пришествія Твоего, яко глас Слова Иоаннъ взывая: мертвии, — Животодавца, слепіи, — Светодавца, плененнии, — Избавителя Христа превозносите во вся вѣки.

Девическаго рождества предтѣк от неплодове, ныне вольнаго вся создавшаго бѣсть распятія предшественник, усекновѣнием главнѣмъ сущимъ во аде зовѣй: отроцы благословіте, священницы воспойте, людіе превозносите во вся вѣки.

Главѣ твоей от телесѣ отъяте бѣвши, Предтече, твоею плотию душа владычащая от сея разделіся, но Божество от плоти Еммануила не разлучіся отсюду, и кость не сокрушіся Бога и Владыки. Темже превозносим Его во вѣки вся.

Богородичен: Господородительнице Пречистая, души моея язвы и гноенія милостивною мольбою Твоею, Дѣво, очисти и падша возстави. Спаси мя, Всенепорочная, блуднаго, спаси: Ты бо ми еси Предстательница и заступлѣние, едина Чистая и Благословенная во вся вѣки.

Пѣснь 9.

Ирмос: Устрашїся всякъ слух неизречѣнна Божїя снизхождѣнія, яко Вѣшнїй волею снїде даже и до плоти, от девическаго чрева бѣв Человѣкъ. Тѣмже Пречїстую Богородицу, вѣрнии, величаѣм.

Устрашїся полкъ лукавый и сего предстатель диавол богословнаго твоего, пророче, языка, Христа проповѣдавшаго, и отроковицею скверною Йрода повину главу усещи твою, но мы тя, Крестителя, величаѣм.

Удоль убо естества смирена возвысися, и холм смирися смертныя гордыни, глас бо вопиющаго воззва в пустынях света, во адовых жилищах: врата возмитеся, Царь бо всех внидет.

Трепещут страсти человеческия и страхом отбегают демони, осенением от Бога тебе данная благодати. Но от обоих искушений стадо твое избави, Господень Предтече, верою ты присно величающее.

Богородичен: Напязи, и успевай, и царствуй, Сыне Богоматере, исмаильтеския люди покаяя, борющия нас, Православному воинству победы даруя на варвары враги, мольбами рождшия Тя, Слове Божий.

Светилен.

Во пророцех больша познана и апостол предъизбранна бѣвша, пѣснями похвальными венчаем Предтечу благодати: во главу бо усечен бѣсть закона ради Господня.

Слава: Скверный Йрод чистоты садителю, тебе, Крестителю Спасов, главу усече льстивне, обличений же твоего языка посети никакоже возможе.

И ныне: Яже клятву мирскую божественным рождеством Твоим, Чистая, потребльши, стадо, Тебе молящееся верно, от всяких бед избави молитвами Твоими, Отроковице